

28. maj 2018

IIA 2018/21

**Unga siunnersuut: Nuummi aamma Ilulissani nunani tamalaani mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalorsorneqarnissaannullu sinaakkutissatut piumasaqaatit pillugit Inatsisartut inatsisaat nr. xx, xx. xxx 2018-imeersoq.**

(Ineqarnermut Attaveqaqtigiainerlullu Naalakkersuisoq)

Namminersulernitta kingorna inuiaat Kalaallit nunaminntu annertunerusumik oqartussaanerulerneisa kingunerisaasa ilagaat aningaasaqarnikkut aningaasarsiornikkullu namminiilivinnissamut atatillugu periarfissanik annertusaanissaq. Taamaattumillu aamma angallannikkut pisariillisaaneq aqqutigalugu aningaasartutikillisaanissaq aningaasanillu isaatitsinerunissat avaqqunneqarsinnaajunnaartut Siumumiit suliareqqissallugit piumassuseqarnerput matumani oqariartutigissavarput.

Siumumi isumaqartuarsinnarpugut piffissangortoq "aaqqiissutaagallartunik" periuseqarluni angallannermk aaqqissuussisarnerit atorunnaassallugit, siunissamulli isigisumik innuttaasut aningaasaqarniarnerannik pingaartitsisumik nunatsinnullu pissutsinut tamanut pitsaanerpamik angallanerup iluani aalajangiinissarput aqqutissiuullugu ingerlagasuaqqittariaqartugut.

Siumumiit siunertariuarparput angallannikkut, pilersuinikkut, inuussutissarsiornikkut, takornariaqarnikkut, ilinniartitaanikkut allatigullu nunarput tamaat eqqarsaatigalugu ineriartortsuarnissaq, taamaammallu Siumumi upperilluinnaqqissaarparput angallanikkut attaveqaasersornikkut ineriartortitseqqikkutta siuliani taakkartukkatta pilertornerusumik periarfissarissaarfiunerusumillu angulertosinnaagigut.

Nassuerutigisariaqarparpulli nunarujussuarmi isorartuumi, inukeqisumi siammassisumillu najugaqarfigineqartumi angallannerup tungaatigut kikkut tamarmik iluarisaannik aaqqiisoqarsinnaanngimmat, aammalu sumiiffinni arlalinni angallassinerit tapiissutitaqanngitsumik naammassineqarsinnaanngimmata. Taamaammat angallannikkut naleqqussaasariaqalerpugut innuttaasut, inuussutissarsiortut takornarissallu angallannerannut nunatsinnilu ineriartornermut pitsangorsaataasumik ineriartortsiviusumillu.

Siumumiit erseqqissumik oqariartutiguarparput imarpik qulaallugu timmisartunut ilaasartut amerlanersaasa Nuummiit Nuummullu aallaaveqarnerat tunngavigalugu mittarfiit nunatsinnut isaaviiit ilaat Nuummiittariaqartoq, maannalu mittarfik pioreersoq nunat tamalaat mittarfissaattut 2200 miiterisut takissusilerlugu sanaartorneqartariaqartoq.

Taamatullu Ilulissani mittarfiup Nuummituulli nunat tamalaat mittarfissaattut 2200 miiterisut takissusilerlugu sanaartorneqarnissaa Siumumiit kissaatigaarput, angalasut amerlasuut aamma tassunga qanitaanullu ingerlaartuummata, taamatullu takornariaqarnikkut inuussutissarsiornikkullu suli ineriartorfissalissuartut periarfissaarissaarmat.

Taamatuttaaq nunatta kujataani illoqarfinniit angalasartut amerlassusaat qissimigaaraanni, mittarfiup Qaqortumi inissisimanissaavaqqunneqarsinnaanngilaq, angalasummi amerlanerpaartaat Qaqortumut Qaqortumiillu angalasuupput, taamatullu inuussutissarsiutinik ingerlataqartut amerlanerpaat Qaqortumillutik. Siumumi isumaqartuarsinnarpugut nunatta kujataani angallanneq ullumikkutut ittoq pisariuallarujussuartoq, tassami "pisariaqanngitsumik"

Narsarsuakkooqaartarneq akitorsaataavoq sivitsorsaataallunilu. Missingersuinerillu takutippaat kiffartuussinissamik isumaqatigiissut aqqutigalugu qulimiguulimmik timmisartuussinerit affaasa missaat sipaarutigineqarsinnaasut, taakkualu millionerpaalunnik ukiumut naleqarput. Narsarsuup siunissa pillugu innuttaasut, piffimmi inuussutissarsiutinik ingerlataqartut, kommune kiisalu Namminersorlutik Oqartussat suleqatigiillutik aaqqiissutissamik ujartueqatigiinniarlutik sulinerat angusaqarfiulluarluni piumaassasoq Siumumiit naatsorsuutigaarput.

Qaqortumi mittarfissaq 1500 miiterinik takissuseqarnissaa Siumumiit aalajangiusimavarput, tamanna isumatusaarnerunertut isumaqarfigaarpuit silap pissusaata sunniutigisinnaasai taamatullu siunissami inuussutissarsiutitigut ineriaortortiseqqinnissaq eqqarsaatigalugit.

Amerikarmiut mittarfissuarnik soorlu Kangerlussuarmi inissiisimanerat silap pissusaa eqqarsaatigalugu nalaatsornerinnaanani lu piaarinaatsoornerinnaasimagunangnila. Kangerlussuup miffigineqarsinnaajuaannangajanner tamatta ilisimavarput, taamaammallu nalilersuinerni ingerlaqqittussani pingaartilluinnaqqissaarlugu suleriaqqinnissaq Siumumiit kaammattuutigissavarput.

Maannamut naliliinnerit eqqarsaatigalugit Kangerlussuup mittarfiliassat siuliani taaneqartut sananeqarpata akilersinnaassutsikkut eqqornerlunneqarsinnaanera siulittutaavoq. Tamannali uniffiginagu Qeqqata kommuuniata ingerlatseqatigiiffimmik pilersitsisinnaanermik oqariartuuta taamaalilluni Kangerlussuarmi mittarfissuaq ingerlanneqarsinnaanera tigullugu, Siumumiit isumaqatigaarpuit, Sisimiut Kangerlussuullu akornanni inuussutissarsiutitigut, takornariaqarnikkut aqqusinniornekullu periarfissarpassuisa ineriaortortinnissaat taamaalilluni qulakkeerneqarsinnaammatt. Ilanngullugu erseqqissaatigissuarput Kangerlussuarmut talittarfeqarnikkut nutarterinissamut pilersaarutaasut Siumumiit aalajangiusimagatsigit.

2015-imi ukiakkut ataatsimiinnermi Inatsisartut taamanikkut aalajangigaat, tassalu mittarfiit nutaamik ilusiligaanissaat pillugu Inatsisartut aalajangernerat Siumumiit nangillugu, inatsisisatigut matumuunakkut mittarfiit sananeqarnissaannut, ingerlanneqarnissaannut aningaasalersorneqarnissaannullu sinaakkutissat piumasaqaatit Naalakkersuisunit saqqummiunneqartut isumaqatigaagut.

Inatsisisatut siunnersuummi matumani Kalaallit Airport A/S-ip Nuummi, Ilulissani Qaqortumilu mittarfinnik sananissamut, aningaasalersuinissamut ingerlatsinissamullu sinaakkutissat tunngavissallu qitiusut aalajangersarneqarnissaat siunertarineqarpoq, taamaalilluni Kalaallit Airport A/S mittarfiit sananeqarnerini aningaasartuutinut akisussaasuussasoq akiliisasorlu siunnersuutigineqarluni.

Sanaartornissami akit tamarmiusut appasitsinniarlugit neqeroortitsisinnaanermi sinaakkutissat taamatullu sanaartornissamut atatillugu sulisorineqartussanut tunngatillugu sinaakkutissat pitsaanerpaamik inuiaqatigiinnullu pissarsissutaanerpaasumik angusaqarfigineqarnissaat Siumumiit pingaaruteqarlunnartutut isumaqarfigaarpuit.

Sanaartugassanut aningaasartuutissat katillugit 3,5 mia. koruuniusunit nammineerluni aningaasaliissutissat 2,1 mia. koruunit angullugit amerlassuseqarnissaat matumani siunnersuutigineqarpoq. Aningaasarpassuupput, inuiaqatigiinnullu sunniutaasussat nunamut tamarmut isiginnittumik qulaajaqqissaarneqarnissaat ataatsimiititaliami sulinermi sallerpaattut nalilersuutigineqarnissaat Siumumiit piumasarissavarput. Qulakkeerluinnartariaqarparpummi

mittarfissuit sanaartorneqarnerini inuiaqatigiit taamatullu sinerissap sinnera tamaat ineriartortitsivigiunissa kiffartuunneqarnissaalut.

Sanaartornissaarsuaq manna aningaastrapassuarnik nalilik matumuunakkut inatsisitigut sinaakkusiinikkut taamaallaat neqerooruteqartitsinermik, taamaasilluni aki piviusup nassaarineqarnissaanut Naalakkersuisut isumasiorneqartarneranni oqariartutigiuagaat matumuunakkut naqissuserlugu oqariartutigineqarnissa Siumumiit piumasaraarput, taamaalilluni neqeroortitsereernerup kingorna Inatsisartut suli tassaasasut sanaartortoqarnissaannik imaluunniit sanaartortoqannginnissaanik aalajangiisussat.

Mittarfiit immineq akilersinnaasutut isigineqarnerannut atatillugu kisitsisit mianersortut atorlugit naatsorsorneqarsimanerat soorunami Siumumi arajutsingilarput, taamaattorli aaqqissugaanikkut annertusaaqittariaqarnerput Siumumiit suliniut manna aqqutigalugu qulakkeeqataaffigissallugu upperilluinnaaqqissaarparput.

Mittarfiit sanaartorneqarnerisa kingunerisaannik inuussutissarsiutitigut, takornariaqarnikkut tikkkuminassutsikkullu nunatta pitsasumik inissinnissa Siumumi qularutiginngilarput. Nunat saniligt Island aamma Savalimmiut attaveqaasersornikkut aaqqissugaanikkut annertusaanermikkut inuussutissarsiornikkut takornariaqarnikkullu malunnaatilissuarmik siuariartorfiupput, tamannalu nunatsinni aamma pissasoq Siumumi upperilluinnarparput.

Inuiaqatigiit ataatsimut isigisariaqarput, naatsorsuutigissavarpummi inuiaqatigiinnut iluanaarutissat, suliffissat nutaat aningaaсалу kaaviaartussat annertuut mittarfiit avataaniimmata. Allatut oqaatigalugu: Mittarfiit sakkupput aqqutissiuisuuppullu suliffissanik aningaaarsorsiorfissanillu pilersitsinissanut.

Pingaaruuteqaporli nunatta sinnerata ineriartornermi ilaatinneqarnissa, taamaammallu Nanortalimmi, Narsami, Kangaatsiami, Qeqertarsuarmi, Qasigiannguani, Uummannami Tasiilami Ittoqqortoormiinilu suluusalinnut mittarfiliornissat pilersaarusiornerat ingerlatiinnartariaqarput.

Allannguinata ullumikkutut ingerlaannarutta nunatsinni aningasaqarnerput ajorsiartussasoq ilisimavarput, taamaammat aaqqissusaanikkut annertusaanissaq sapiissuseqarluta ingerlariaqqiffigisariaqalerparput, taamaaliungikkuttami siuariartornissamut aqqut suli takissaqaaq. Inatsisissatut siunnersuutip massumap saqqummiunneqarnerata saniatigut ilisimavarput aningasaqarnikkut naatsorsuinikkullu kingunissat pillugit annertuumik oqallittoqartoq, ilaatigut allaat illuatungeriinnik oqariartorfiusartunik. Taakkua ataatsimiitaliami suleriaqqinnissami annertuumik pisussaaffiliippit, taamaammat kingunissaasinnaasut tamarmik inuiaqatigiinnut tamanut isiginnittumik qulaajarneqarnissaat Siumumiit inassutigaarput.

Naggataatigut Siumumiit suliap massumap Sanaartornermut ataatsimiitalimi kiisalu Aningasaqarnermut ataatsimiitaliami peqqissaarullugu suliarineqarnissa inassuteqaatigaarput, ilutigalugu aasamut julip aallartinnerani sapaatip akunnera siulleq aappassaaneerinninneq pingajussaaneerinninnerlu suliarissagaat kissaatigalutigu. Qujanaq.

Anders Olsen, Inatsisartunut ilaasortaq, Siumut.